

gaja haveno

Porto Alegre, RS, Brazilo | Aprilo 2017 | N-ro 35

Kelklinie pri

La unua numero de Gaja Haveno estis lanĉita en Julio 1997 kaj en ĝi aperis i. a. intervjuo kun Miriam M.Z.M Silva Gomes kaj adresaro pri la naŭ (!) institucioj en Porto Alegre en kiuj oni aranĝis E-kursojn tiuepoke. La gazeteto cirkulis kun kelkaj interrompoj ĝis Decembro 2007. De nun oni revivigas ĝin. ●

Kial oni elektis Trump? Ĉar granda parto de la usonaj civitanoj (almenaŭ de tiuj, kiuj voĉdonis en la balotoj) volis ŝanĝi la nunan ekonomion kaj politikan sistemojn. Ili ne nepre ŝatis Trump, sed ne havis alternativon. La decido estis inter la samo (Clinton) aŭ io nova (Trump). Verŝajne, se inter la elektebloj estintus alia kandidato perceptita kiel ŝanĝo (Sanders), la rezulto estintus malsama. (el Monato jan/17) ●

En la majesta Palaco de Versajlo, dekreto en 1715 de Luizo la 14a determinis, ke la fekaĵoj estu reprenitaj en la koridoroj de la palaco almenaŭ unufoje monate. ●

En la pasinteco sennudiĝi kaj tuŝi al si mem dum la bano estis konsiderataj

malkonvenaj agoj por la kristana moralo. Tiele ekz. grandparte de mezepokaj monaĥejoj oni baniĝis du, tri fojojn maksimume dum la jaro kaj eĉ tio pro la realiĝo de kelkaj religiaj festoj kiel Pasko kaj Kristknasko. ●




Romo 1981. Intervjuo de Jorge Luis Borges, la fama argentina verkisto, al grupo de ĵurnalistoj. Lasta demando. Al kio li atribuas la fakton, ke li ankoraŭ ne sukcesis gajni la Nobelpremion pri Literaturo. "Al la sveda saĝo", li respondis. ●

La Internacia Centro de Esploro pri Kancero (ICEK), klasifikis la altfrekvencajn elektomagnetajn kampojn (telefono, radio-ligiloj, Wi-Fi aŭ Bluetooth) en la kategorio "eble kanceriga por homo". Tiu klasigo kondukas nin serioze kaj zorge observi la asociigon inter la uzo de poŝtelefonoj kaj la kancera risko. (eo.mondediplo.com) ●

Oni antaŭvidas, ke en la venontaj jaroj kelkaj kompanioj komencos vendi memstirajn/aŭtonomajn veturilojn. La plej grava

Matilda

Pikniko en Parko Farroupilha?
Bela loko! Parencoj miaj loĝas tie...



fakto, kiun oni reklamas rilate al memstiraj veturiloj, estas, ke ili verŝajne estos pli sekuraj ol veturiloj stirataj de homo. Iuj pensas, tamen, ke ĉi tiu ideo estas freneza. Kiel 18-rada memstira kamiono povus esti pli sekura ol homstirata ŝarĝaŭto? (Monato – mar/17) ●



Inter la diversaj spiritaj simboloj de la antikva kelta civilizo, la spiralo estis unu el tiuj kiuj elstariĝis. Ĝi i.a. reprezentis la naskiĝon, kreskon kaj ekspansion de la konscienco aŭ simple la senmortecon. ●

gaja haveno

Sendependa
Esperantogazeteto
Kreita en Julio 1997
Redaktas
César Dorneles Soares
Porto Alegre, RS, Brazilo
dornelespoa@gmail.com

La heliko divers- lingve



Bulgara -
simiovosto aŭ *simieto*
Ĉina - *muso*
Dana - *elefantrazego*
Franca - *heliko*
Germana -
simiovosto aŭ *simieto*
Greka - *anaseto*
Hebrea - *strudelo*
Hungara -
tervermo aŭ *larvo*
Indoneza -
simiovosto aŭ *simieto*
Itala - *heliko*
Korea - *marheliko*
Finna - *katvosto*
Kazaĥa -
lunorelo (malkreskanta) aŭ
hundovizaĝo
Norvega - *rokambolo*
Pola - *simiovosto* aŭ
simieto
Rusa - *hundeto* ●

> Fonto:
Revuo *Superinteressante*

Prilingve

► Turni - sin turni - turniĝi

“Turni ŝlosilon en la seruro”
“Turnu la kapon dekstren”
“Li turnas al li sian dorson”
(Z)

“Ŝi turnis sin al Marta” (Z)
“Mi turnas min al vi kun
peto” (Z)
“Tie la karavano turnis sin
al la sudo.”

“Tero turniĝas ĉirkaŭ sia
akso.”
“La radoj rapide turniĝis.”
“Li mortis kaj turniĝis en
polvon.” ●

> Frazekzemploj el PIV

*Per flugiloj de facila vento
flugu la sonoj de mia lingvo,
malligu la langojn, malŝtopu
la orelojn de tiuj, kiujn ĝis
nun dividas nekompreno.
Tiu estas nia celo. Por tio ni
laboras.*



> Lidja Zamenhof
(1904-1942)

[www.facebook.com/
groups/
esperanto.portoalegre/](http://www.facebook.com/groups/esperanto.portoalegre/)

Lingvo- lernoj

Komence de mia
adoleskantaĝo mi volis esti
instruisto pri historio aŭ
geografio. Poste mi eniris
en fakultaton pri Beletro por
studi la anglan kun la celo
fariĝi instruisto pri ĝi. La
lingvistika studado
alproksimigis min al la ideo
esti instruisto de la
portugala, kio fine estis mia
elekto. La konatiĝo al
Esperanto en 1980 (kiam
mi estis studanta la
hispanan) ankaŭ influis en
la senco, ke mi perdis
grandparte de la intereso
pri la angla. Nuntempe, jam
emeritiĝinta, mi okupiĝas pri
ellerno de la itala, kiun mi
persone konsideras la plej
belsona lingvo en la mondo.
Por ne ĉagreneti kelkajn
esperantistojn pli
sentemajn, mi diru, ke
aliflanke mi konsideras
Esperanton la plej bela
lingvo laŭ strukturo. ●

> César Dorneles Soares

Onidire

Originala verkisto ne estas
tiu kiu imitas neniun, sed tiu
kiun neniuj sukcesas imiti.
(Chateaubriand)

Barbaroj! Ideojn oni ne
mortigas! (Sarmiento)

La ideoj: oni vivu ilin.
(André Malraux)

Du eksceso: ekskludi la
racion kaj nur agnoski la
racion. (Pascal) ●